

Opuscula

Opuscula

CLASSES
VLADISLAVIANO
NOVODVORSCIANÆ, (28)

Aureo Aviti JUNOSZÆ Vellere,
PRINCIPE dignarum virtutum gazâ,

Raræ eruditionis copiâ,

Multiplici meritorum apparatu,

CELSISSIMI PRINCIPIS,

ILLUSTRISSIMI & REVERENDISSIMI DOMINI,

D. ANDREÆ
STANISLAI KOSTKA

In ZALUSKIE

ZALUSKI,

DEI, & Apostolicæ Sedis Gratiâ,

EPISCOPI Cracoviensis, DUCIS Severiæ,

Universitatis Cracoviensis CANCELLARIJ,

& PROTECTORIS Faventissimi,

INSTRVCTÆ;

Circa primum Ejus ad Cathedram Cracoviensem ingressum,

Præsidente & Applaudente

Nomine Nobilissimæ Juventutis Academicæ

M. ANTONIO JOSEPHO KOCIKOWSKI,

Philosophiæ Doctore, in Classibus Vladislaviano Novodvorscianis pro tunc

Dialectices Professore, Contubernii Hierosolymitani Seniore.

Per circumfluentis Vavellum Vandali Sinum,


In publicum

EDUCTÆ.

Annô Domini 1747. Die 7. Mensis Maji.

Cracoviæ Typis Collegii Majoris, Universitatis.

In Avitum Decus
CELSISSIMI, ILLUSTRISSIMI
&
REVERENDISSIMI PRINCIPIS.



Agni de lana Trabeam cum Murice PRÆSUL,
Cumq; Toga Mitram, Pallia PRÆSUL habes
Amplius haud aliquid restat, nisi iusta Galcrum
Texat de Patrio Vellere Roma Tibi.

CELSISSIME
PRINCEPS,
ILLVSTRISSIMÆ
&
REVERENDISSIME
DOMINE.



*Ost Acerba & nunquam sa-
tis deploranda JOAN-
NIS LIPSKI, EPISCOPI
Cracoviensis, DUCIS Se-
verix, S. R. E. CARDINA-
LIS, Universitatis nostræ
CANCELLARII, Antecessoris Tui fata usq; ad
præsens coorta lacrymarum tempestate decuma-
nīs dolorum agitabantur fluctibūs Classēs Nostræ,
hodie dum immortalem tanti PRÆSULIS jactu-
ram reparas, & Cathedræ PONTIFEX, Eccle-
siæ Sponsus, Viduæ Diœcesis PASTOR, Universi-*

tatis CANCELLARIUS, solenni inauguralis ritu ipsis natant in gaudiis. Appulisse ad portum felicitatis suæ credunt, quod Præsul Literis & Literatis addictissimus, PETRO WYSZ & ZBIGNEO OLESNICIO, JOANNI KONARSCIO, & PETRO TYLICIO, JACOBO ZADZIK, & PETRO GEMBICKI, JOANNI MALACHOWSKI, CASIMIRO LUBIENSKI, propenso in Musas Academicas affectu, par Pastor Diæcesi huic, & Superum Dono & Sedis Apostolicæ Gratiâ, & Tuis exigentibus meritis obtigisti. Honoris verò sui inde littus arare videntur, quòd cum Te votis, desideriis, plausu, Clerus, Cives, Populus circa ingressum excipiunt, Illæ quoque quidquid pro suo modulo in elogia Tua inter docti æquoris æstus collegisse poterant pretiosi, in ripam Vandali & in vicinum Vavelli jugum exonerant. Patere ergo hoc Classum nostrarum id est Nobilissimæ Academicæ Juventutis, quæ Classes implet & constituit, obsequium, & nos gratiâ, favore respectu, ut imploramus fove, & Diæcesim hanc longævus & incolumis ut optamus rege.

Celsitudinis Vestræ,

humillimi & obsequentissimi servi
Professores Novodvorsiani.

CLASSIS I.

Aureo Aviti IVNOSZÆ Vellere
INSTRVCTA.

Sinite!

Argolicam Ratem jactare fabulæ,
quòd Colchicæ Ovis lanam tulerit.

Classe hac

non mentitas mentiti Arietis exuvias,
sed Aviti ZÆUSCIORUM FUNOSZÆ Vellus
Poloni vehimus Argonautæ.

Et non tenui Maris Ægæi sinu,
sed per Sangvinis ZÆUSCIANI Æquor,
à Colligatarum Familiarum amplitudine
immensum,

à Celsitudine *profundum,*
à tot gemmarum quot Virorum partu,
Erythreum.

Plurimas Familias numerat Polonia,
multæ sunt quæ Oceano huic sua debent principia,
plures quæ augmenta.

Nulla in Corpore Reipublicæ vena est,
in quam ZÆUSCIUS Sanguis non influat.
Nulla Consanguinitatis Arbor, quam non vegetet,

B

nulla

nulla Purpura, quam non pingat.
Quotquot Sacræ, five profanæ sunt,
quævis suum Filum FUNOSZÆ debet;
alias

ut Fons Purpurarum
LUBOMIRSCIORUM SRENIAVA, (a)
Flos Purpurarū SZEMBECCIORUM ROSA, (b)
ita Stamen Purpurarū Vellus FUNOSZÆ est.
Tres Sacras ZALUSCIIS ex eo Plocia,
Kijovia & Culma,
Varmia & Luceoria,
Abra & Dresda unam;
duas Palatinas Rava,
Czerniechovia unam & unam Plocia;
Castellanas Rava duas,
unam Gostinum texuit;
& texere quævis vellet Provincia,
nisi alii Sagum Purpuris,
alii Curiam Senatoriæ Curuli,
alii Togæ Ministeria Regni,
prætulissent & præferrent, ZALUSCII.
Quanquam,
non sibi tantum Vellera fert hic ARIES,
Mars ex eo sibi baltheum, Minerva peplum,
Purpuras propter Cives Patria,
Pallia

(a) Paneg: Lubomirski, (b) Paneg: Christoph: Szembek.

Pallia propter Præsules texit Polonia.
Et *ZALUSCII* non suis vivunt usibus;
Regnorum allaborant Ceris ut *apes*,
Regum Paludamentis ut *bombyces*.

Celsissimi, ut alios attollant,
Illustrissimi, ut tenebras accendant,
Senatores, ut Patriæ consulant,

Regni Ministri,
ut commodis publicis laborent,
Milites, ut defendant.

Omnes à cunis aurei Velleris Equites,
plures inter publici boni amores *Holocausta*,
inter Martis Alumnos *Victimæ*,
inter effusum sanguinem *Libamina*.

JVNOSZA enim,
non semel pro integritate Patriæ immolatus,
pro Aris & Focis cæsus,
attamen nisi *tanquam occisus*,
ut *Apocalipticus* visus est;
cædere magis, quàm cædi,
expugnare, quàm expugnari,
aptior hic *ARIES*,

Merito
in Sacri Cracii Senatûs Zodiaco
B₂ inter

inter JOANNIS ODRÓWĄZII & PRANDOTÆ
Arcitenentes,

JOANNIS GROTHII Virginem,

JOANNIS LATALSKI Leonem,

SAMUELIS & BERNARDI

MACIEJOVIORUM Taurum,

Signorum;

inter GOMPONIS Astra,

AARONIS Coronas,

MATTHÆI, & MARTINI SZYSZKOWSKI

Cynthias,

FASTRZEMBECII, MYSZKOVII,

& TYLICII Soleas,

ROBERTI, PETRI TOMICKI,

& JACOBI ZADZIK Naves,

FRANCISCI KRASINSKI Corvos,

ANDRÆ TRZEBICKI Olores,

Siderum Princeps est.

Non tamen hîc sunt Honoris AGNI primitiæ.

nuper in CONSTANTINO FELICIANO

S Z A N I A W S K I,

inter mortuorum Regum Thronos,

in Vavello adoratus;

hodie dignus accipere Coronam,

(a) triplicî coronatur.

Can-

(a) Stemma Capitali Cracoviensis Corona tres,

Candore unamquamq; promeruit,

Animal

non minùs niveo Velleris colore,
quàm innocentia & fide candidum.

Naturâ quidem mitissimum,
sed MAVRORVM Leopardis,

GEDEONVM Gryphibûs,

GROTHORVM Vrsis,

DONHOFFIORVM Apris,

LVBIENIORVM Vris,

Animal & acrius & ferocius.

Lupos illi ab ovili Craci arcuere,

Agnus

jam alibi lupos non unius Infulæ

arietavit cornu,

& ab Ovilibus exclusit,

alibi in oves convertit,

in Cracia Diœcesi tantùm audebit,

ut sub se uno Pastore,

AGNO fiat ovile unum. (b)

Promittit id *ANDREÆ PRÆSULIS* fortitudo
& probata *ZALVSCII* Vigilantia.

Reduci ad ovile *CHRISTI* hæresi

in primas innocentia stolae,

in virtutum habitus,

C

dabit

dabit JVNOSZÆ Aviti Vellus
plus quàm aureum.

CLASSIS II.

Principe virtutum dignarum gazâ
ONERARIA.

Cæfaris olim fortunam una Ratis vexit,
& suffecit ei ad gloriam.

Classis hæc

Principis virtutes defert,
attollere se potest usq; ad fastum.

Si enim

*nulla possessio, nulla vis auri & argenti,
plùs quam virtus æstimanda, (b)*

Virtutes Præsulis plus quàm Orbis fortuna sunt.
seu quòd non plebeix, sed Principes,
seu quod omnes in gradibus intensis *summæ*,
in multitudine prope *infinite*.

In Diœcesum Pastore & Doctore *Theologicæ*,
in promerito Galerum *Cardinales*,
in morum & virtutum Idea *Morales*.

Agmen cæterarum ducunt Religio & Pietas,
quibus natus ex *POTKANSCIA* Præsul,
cùm

(b) Seneca in Epist.

cùm Materno lacte innutritus,
crevit ad Aras *pientissimus*,
adolevit Rex Sacrorum *Religiosissimus*.

Ecclesiæ necessarius,
Regno utilis,
populo in nullo non proficiuus,
Fide in opere vivus,
spe in credendis certus,
charitate in factis fervidus.

Prudentia Illi præteritorum gnara.

Præsentibus provida,
futura prævidens,
informia formans, *ut speculum,*
pericula ludens, *ut navis,*
dubia discernens, *ut cribrum,*
remotissima prope faciens, *ut tubus,*
rerum pondera librans, *ut bilanx,*
par fortitudo Zodiaco,
qui inter monstra non succumbit,

scopulo,
quem allidunt procellæ, non lædunt,

Monoceroti,
qui animalia non pavet, sed terret,
adamanti,

qui nec mollitur, nec frangitur,

tere bello,

cui & *Avia* pervia sunt.

Solem imitatur *Iustitiâ*,

qui æquè lucem partitur in omnes,
Fraxinum, quæ nisi nocentibus noxia,

occam, quæ evertit & æquat,

rastrum, quod areas & arva repurgat,

fulmen, quod paucos lædit, sed multos terret,

phlebotomum, quod parcendo secat,

secando parcit.

Temperantiâ non adæquat bombycem;

qui *operosus* non pascitur,

sed adæquat Aquilam, quæ contenta parvo.

Frugalis sine luxu,

sine sordida parsimonia effusus.

Novit liberalitatem à prodigalitate

distingvere,

nemini sua munera claudit, *ut malus Punica*,

congregata dispertit, non perdit, *ut nubes*.

Templis, Aris, egenis,

providet, subvenit, succurrit,

apparatu, sumptu, opibus.

Orphanorum Pater & Nutritius,

Orphanotrophiorum Fundator,

&

& Erector munificentissimus. (a)

Liberalitatis Præfulex

& Pultoviense Seminarium testis esto;
quod ad structuram erexit *magnifice*,
ad sufficientiam providit *munificè*,
ad Regimen ordinavit *prudentissimè*.

Jurisdictionis Claves,

Petrists commisit.

& primitivæ Ecclesiæ statum restituit,
in quo Clericis Sæcularibus
nulla præfuit Cōgregatio vel Communitas.

Publica hæc sunt, sed cupit esse occulta,
providus Diœcesum commodis Pastor,
sed popularis auræ non avidus.

Ecclesiarum *Lucerna* sub modio,

Præsulum *Gemma* sub Concha,

Ilias virtutum in nucleo.

Sine tumore *Celsissimus*,

sine ambitionis fumo *Illustrissimus*.

In tot titulorum serenitate amat nubem,

in tot luminum,

quot virtutum concursu, umbram.

Sine fastu gravis,

sine involucro candidus,

sine assentatione rectus,

D

fine

(a) Pultoviae pro educandis puellis sub cura Virginum misericordia dic:

sine felle bonus,
commune omnium virtutum subjectum,
non cuius communium.

Pontifex hospitalis & benignus,

Sobrius & iustus,

vigil & prudens,

in Ecclesiæ Candelabro

non plus Avorum Ceris,

quàm virtutibus refulgens.

Fraternum hoc Elogium simul & Tuum est,

I L L U S T R I S S I M E

&

REVERENDISSIME DOMINE,

D. MARTINE

Z A Ł U S K I,

EPISCOPE DRASNENSIS,

Suffraganeæ Plocensis,

Præposite Infulate Pultoviensis,

Supreme Regni Poloniæ Secretarie,

Qui ut Genere cum Fratre communicas,

sic virtute.

Naturam cū hominibus communē nactus,

vitam vivis supra homines,

Mora-

Moralem Sanctus,

Civilem Urbanus,

utramq; perfectus:

Ecclesiæ & Patriæ obsequio divisus,

conscientiâ integerrimus,

de utraq; mereri avidus,

& ab ambitu honorum alienus,

Templa, Aras, Altaria, erigere, (b)

quàm Diœceses regere cupidior.

CLASSIS III.

Raræ eruditionis copiâ

D I V E S.

Haftenus

in Sangvinis & Virtutum Tuarum alto

utriq; tranando impares,

fluctuârunt Classes nostræ,

Tertia naufragium patitur in sicco,

postquàm

cui se illa committere volebat,

æquor scientiarum exhausisti,

& PRÆSVL eruditissimus,

D₂

& eru-

(b) in Villa hereditaria Kobelká coelo latere Ecclesiam munificè erexit.

& eruditorum PRINCEPS Celsissimus. (a)

Paucis hoc Mare sapit,

& parum sapiunt,

multi nec primis labris illud praelibant,

& non sunt ad sæculi præsentis gustum,

plures falsedinem ejus abhorrent,

& sinè sale infatuati vivunt.

Præfulum Celsissime,

Penetrâsti illud usq; ad fundum,

& quidquid sciri aut doceri potest;

ingeniô absorpsisti.

Hinc est;

quòd Musas non cum Pyrrho in Annulo,

sed vasto foves in vertice,

totâ Europâ peregrinas collegisti, (b)

& Parnassum circumfers in Capite

quartâ sub Infula plûs quàm bicolem. (c)

Pontifex

in humanioribus disciplinis

plûs quàm Divinus,

in severioribus plûs quàm Angelicus;

in naturalibus supra Philosophos,

in moralibus supra Ethycos & Politicos,

in Divinis sapiens supra Theologos.

Verè

(a) Princeps Celsissimus Cancellarius Universitatis Cracoviensis. (b) exteras oras peragravit. (c) primo Plocensis, post Luceoriensis, post Calmenfis, post Crac. Episcopus.

Verè Sol Doctorum,

in obscuris illustrandis clarus,

in abstrusis enucleandis perspicuus,

Orbem Eruditorum illustrare potens.

Fastidiunt noctes Atticas multi,

quibus Genus illustre est.

Principum Illustrissime,

Natalium splendore Noctes Atticas illustras,

& Cleanthis lychnô,

Avorum Tuorum Ceras magis illustres facis:

& doces

Lucinam & Palladem amicas Deas esse,

Infulam & Mitram non excludere

Doctorem Lauream,

Mare sanguinis Alti, scientificum æquor compati,

illustres ortus luce sapientiæ augeri.

Simile Tibi Soli Parelum est,

Illustrissimus

&

Reverendissimus Dominus

J O S E P H U S

Z A Ł U S K I,

E

Su-

Supremus Regni
REFERENDARIUS,
ABBAS
Fontaneti in Gallia,
Statuum Burgundiæ ASSESSOR,
ABBAS Villariæ Betnaci
in Lotharingia,
CONSILIARIUS
Prælati Honoris Parlamenti Nanceani,
Cathedralis Cracoviensis
CANONICUS,
Insignis Collegiæ Varfaviensis
PRÆPOSITUS,
æquè sanguine ac eruditione
Frater Germanus,
æquè Literarum amans,
& Literatorum Apex.
Vterq; enim estis,
extra Gallias ingenio *Pares*,
extra Hispanias eruditione *Grandes*,
audivit Vos in Sacris Exedris,
mella loquentes Polonia,
& *Ambrosios*,

dicen-

dicentes gravia, & *Leones*,
prædicantes zelosè, & *Paulos* censuit.
Isocrates tamen & Cicerones non asseruit,
quia profanis Oratoribus præferendos
esse duxit.

Primis tamen Literarum Parentibus
æquales æstimat,
& prima Literarum Viventia in Polonia,
postquam

ut

ANDREAS
OLSZOWSKI,
ARCHIEPISCOPVS
G N E S N E N S I S,
Regni Poloniæ & Magni Du-
catûs Lithvaniæ
P R I M A S,
AVUNCULUS VESTER
in Capite Regni Cracovia,
sic Vos in Regni Corde Varſavia,
publicum Literarû Domiciliû excitâstis. (d)

E₂

Evo-

(d) Olsowski Crac: insignem Bibliothecam aperuit. ANDREAS & JOSE-
PHUS ZÆUSKI Varſavia.

Evocâstis toto Orbe mutos Doctores,
Græciam, Athenas, Latium,
in Poloniam transtulistis,
& Regnum Literarum in Septemtrione
extendistis.

Divisum quondam Imperium,
cum Jove Cæsar habuit;
uterq; Vestrûm Jupiter,
Caput fæcundum habens Pallade,
uterq; Cæsar,
& Animorum & Ingeniorû ex æquo Victor,
Curis, solitudine de Literis indivisus,
amore Literarum idem.

In Cælo Eruditorum,
uterq; Castor & Pollux,
Phæbo Scholastico uterq; Conjunctum
fidus. (e)

Uterq; fidus coronatum.

ANDREAS in exteris, (f)
ut suum Romanæ sapientiæ communicâset
Verticem,

IOSEPHVS Domi, (g)

ut non

(e) IOSEPHVS ZALVSKI Referendarius Regni in eam Societatis Literaria,
infecundorum nuncupata Anno 1735. adscriptus. (f) Celsissimus PRINCEPS
in Romana Sapientia Juris Vtriusq; Doctor creatus. (g) Illustrissimus Referenda-
rius in Univer: Grac: Juris Doctor.

ut non subtraxisset Patriæ.

Duo fulmina belli,

jactavit antiquitas Scipiadas,

uterq; Vestrum

contra Inscitiam fulmen est,

pro Literarum Bono fortis Scipio.

Vterq;

annos vitæ pulvere Scholastico mensurat,

Olympos sibi gloriæ

ex arena Literaria assurgere

uterq; videt.

Vtinam

Orbis Literarii uterq; Luminare Maximū,

luceat inocciduum:

uterq; *Maronibus suis Augustus,*

Pliniis Theodosius,



Claudianis Stilico,

immortalis vivat.

Societatis Literariæ votum,

Univerſitatis Cracoviensis

deſiderium eſt.



F

CLAS.

CLASSIS IV.

Multiplici meritorum apparatu

P L E N A.

Procul hinc

actuariæ Naves exeste!

Agiles & celeritate præstantes;

Classis hæc

grandibûs est Pontificiûs instructa meritîs
& gravibûs.

Lembos, liburnas, embolum, non admittit.

Leves pleriq; meritîs, altum Honoris petunt,

ad Bravium Celerini,

in benemerendi campo Lentuli,

ad præclare gesta vel gerenda testudines,

ad bene gestorum Coronam

Cervi vel Aquilæ,

PRINCEPS

EMERITISIME,

lento ad Culmen Honoris processisti gradu
sed maturo,

pri-

primò Cracoviensis CANONICVS,
submisisti Caput Coronis, (a)
Pultoviensis DECANVS,
Plocensis PRÆPOSITVS,
DVX Sielunensis,
antequam ad Infulas erexeras.
Plocensem & Luceorensem,
Culmensem & Pomesaniæ
gelsisti Infulam,
antequam Mitram cum Cracoviensi
Infula jungeres.
Sacer & Civilis,
Gallicus & Italicus,
Polonus, Germanicus, Latinus Orator,
priùs, quàm Os REGIS & Regni
CANCELLARIUS.
A teneris ad tractandas
Regni Ceras educatus,
bis ab

AUGUSTO II.

designatus,
tandem ab

AUGUSTO III.

constitutus.

F2

Apta:

(a) Stemma Capituli Cracoviensis tres Corone.

Aptavit ad eas Tuam indolem

ANDREAS
CHRISOSTOMVS
ZALUSKI,
EPISCOPVS

VARMIENSIS,

Sacri Romani Imperii

PRINCEPS,

Supremus Regni

CANCELLARIVS,

Scriptis & gestis Europeo Orbi

notissimus,

in Galliam & Hispaniam,

Lusitaniam & Bavariam,

Legationibus

celeberrimis.

In Samboriensi & Leopoliensi Comissione,

Exercituum Regni Pacificator

felicissimus.

Erga IV Poloniarum Reges,

JO-

JOANNEM
CASIMIRVM,
&
MICHAELEM I.
JOANNEM III.

&
AUGUSTUM II.

obsequiô *fidelissimus*,
& sibi & tanto Ministerio formavit parem.

Jam vero

LUDOVICUS

ZALUSKI,

EPISCOPVS PLOCENSIS,

à
JOANNE BOKUM

Episcopo Plocensi,

G

Re-

Regni Procancellario.

*nullo Sanguinis intercedente nexu,
ex Sola virtutum & meritorum æstimatione,
in Coadjutorem Episcopatus Culmensis
expetitur,*

*Plocensi Insulæ adscivit,
& Successorem reliquit,*

*Atlas Alcidam,
Nerva Trajanum,
Augustus Commodum.*

*Æquasti tantos Præsules meritis,
Synodum Diocesanam convocans,*

*ut illi,
Supremo Tribunali Thesauri Regni
Radomienfi*

VICE-PRESIDENS,

*ut illi,
famolæ Commissioni Thorunenfi
priori CONSILIO,
Brestenfi in Lithvania PRÆSIDENS*

*judicio, ut illi,
ter in Varsaviensibus,
semel in Grodnensibus Comitiiis,
ad conscribendas per Ordines Regni
San-*

Sancitas Leges,
DEPUTATVS,
ut illi,
in eo superâsti,
quòd celerius Infulas merueras.
Supplente annorum defectum virtute,
concedente

INNOCENTIO
XIII,

Summo Pontifice,
consecrante

CONSTANTINO
SZANIAWSKI,
Cracoviensi Episcopo,
Vigefimò Octavò Ætatis Annò Episcopus
Ordinatus.

Dignus pro qualitate dotum
Infulis omnibûs,
quartam nunc jam obtines,

G₂ cùm

cum nisi tres ANDREAS,
unam LVDOVICVS tenuisset.
Wagroveccensis, Czervensis,
Paradisiensis,
COMMENDATARIUS
A B B A S,

cum nisi Wachocensi præfuisset
CHRISOSTOMVS.

Nec Præsules tantum æquasti aut superasti

ZALUSCIOS,

Infulâ simul et Mitrà,
omnibus quotquot fuerunt præemines.

LAVRENTIVM
Castellanum Gostinensem

PROAVUM,
grandium operum flore selectissimo,

ALEXANDROS
Palatinos Ravenfes

PATREM & AVUM

gesto-

gestorum superas magnitudine.
Cæteros ut Sol sidera sua luce,
Rosa flores suâ purpurâ,
Lilia Rosas candore,
CrySTALLUS vitra nitore,
Adamas pretiô uniones excedis.
Gemmam Virorum si excipias

J A C O B U M

Sulejoviensem
C A P I T A N E V M,

Cerauniæ tanquam *tonitruï Filium* parem,
qui licet minimus natus Frater Tuus est,
quanquam Te assequi non potest, sequitur,
quanquam æquare non potest, studet,
& quidquid in Domo Vestra
illustrissimum,
ab Antecessorum & Tuis meritis grande,
concentrare in se contendit.

Par indoles,
IGNATIO CAPITANEO Zavichostenfi,
& **MARTINO ZALVSCIIS**
Archimageridis Magni Ducatûs
Lithvaniæ,

H

Qui

Qui ut se ZALVSCIOS probent,
in tenera ætate supra Viros sapiunt,
& in prætexta Togas merentur,
ingenium annis esse velocius docent,
& virtutem non expectare annos
ut maturescat.

JOANNE Patre nati
gratias ore referunt,
& *gestis merentur,*
PROSPERO feliciter Majores suos
æquare student.

Ea enim natura Vestrum est
ZALUSCII.

cum doctis sapere,
cum bene meritis mereri,
cum omnibus numeris absolutis,
meliora charismata æmulari.

Tibi potissimum id connatū,

P R Æ S U L
CELSISSIME,

Qui
quidquid in Colligatis Tibi Domibus *lucis,*
in eru-

in erudito Orbe *sapientiæ*,
inter Cives Patriæ *meritorum*,
in Te uno collegisti, adunâsti, concentrâsti.

Ut Achillis acta Ilias,
ut solem speculum,
ut Deos omnes Pantheon,
quibûs mereri quisq; de Patria potest,
unus singula complexus.

Domi Consiliô potens,
foris Authoritate validus,

Vbique
rerum gestarum *experientiâ* probatus,
& gloriâ celeberrimus.

Eorum quæ in Patria sunt acta gnarus,
& horum quæ in Exteris peritissimus,
in Sacra & Profana historia versatissimus.

Æquè bonus Patriæ Pater,
ac Ecclesiæ Sponsus optimus,
erga utramq; pari amore affectus,
solicitudine intensus,
labore indefessus,

curâ & vigilantia Pontifex summus.


Pares Tibi nemo objiciet,

Patres Patriæ alii sunt,


H₂

Tu

Tu Patrum Princeps,
Lumina Ecclesiæ sunt,
Tu Fons Luminum,
Sidera in Cælo Lechiæ sunt,
Tu DVX Astrorum,
Intulati Aarones sunt,
Tu Infulatorum Apex,
alios Principe Mitrâ,
alios Ducali Ense,
singulos virtute, eruditione, meritîs,
prætergressus.
Hinc est,
quòd primam Episcopalem
in Polonia Sedem occupas,
nisi enim injusta esse velit,
aliter Te coronare Patria non potuit.
Si quas tamen supremas adhuc habet,
Tibi promittit,
& quas non habet, optat.
Nos vota votis addimus,
& pro mensura eminentium meritorum
ad CANTII Aras,
Titulos pro Te eminentissimos
imploramus.



to
fe.
M
o-
m
o
es
er
ne
a-
ut
o
e-
y-
ti-
e-
.
.
.
.
.



22000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

